



# Platform lahir bakat baru

Nabil Lokman

sukan@hmetro.com.my

## Kejohanan Relay UTHM 2017 bantu gilap atlet baru acara olahraga

### Batu Pahat

**K**umpulan Mahasiswa Universiti Tun Hussein Onn Malaysia (UTHM) dari Kursus Olahraga Balapan (UQS12001) Pusat Pengajian Umum dan Kokurikulum tampil menganjurkan Kejohanan Relay UTHM 2017 bagi membantu melahirkan bakat baru dalam acara olahraga.

Kejohanan yang berlangsung pada 6 Mei lalu di Stadium UTHM itu dianjurkan dengan kerjasama Jabatan Pendidikan Negeri Johor (JPN) dan disertai kira-kira 200 peserta dari seluruh negeri.

Pengarah program Mohamad Shahrulnizam Zamjuri berkata, antara acara yang dipertandingkan dalam program itu ialah 4x100 meter lelaki dan perempuan,

4x400 meter lelaki dan perempuan serta mix-swedish relay terbuka.

“Acara yang dipertandingkan itu dapat memberikan ruang kepada pihak sekolah selain peluang kepada pelajar untuk membabitkan diri dalam bidang

olahraga disamping menajadikan kejohanan ini sebagai platform yang berperanan menggilap bakat atlet sekolah.

“Program itu juga bertujuan memberi pendedahan kepada pelajar UTHM sendiri dalam kursus kokuri-

kulum berkredit Olahraga dan menerapkan kemahiran yang dipelajari kepada atlet sekolah dan penuntut UTHM.

“Kemahiran itu juga akan digunakan apabila pelajar kursus ini menempuhi alam pekerjaan sebagai guru kelak,” katanya.

